



**ÒDONANS DIJANS NIMEWO 25  
KONTE PALM BEACH COVID-19  
FAZ 2, ETAP 1 KLARIFIKASYON SOU RE-OUVÈTI**

**KONSIDERAN**, COVID-19 la, yon maladi respiratwa yon viris lakòz ki gaye rapidman sòti nan yon moun ale nan yon lòt epi ki ka lakòz maladi grav oswa lanmò, reprezante yon menas klè ak aktyèl pou lavi, sante, byennèt ak sekirite moun nan Konte Palm Beach yo; epi

**KONSIDERAN**, nan dat 9 mas 2020, Gouvènè Ron DeSantis, te pibliye yon Dekrè Egzekitif 20-52 ki deklare yon eta dijans pou Eta Florid akòz COVID-19 la; epi

**KONSIDERAN**, nan dat 13 mas 2020, dapre Seksyon 252.38(3)(a)(5), Lwa Florid yo, Konte Palm Beach te deklare yon Eta Dijans lokal akòz pandemi kowonaviris la ki te pwolonje depi lè a nan respè ak lwa ki aplikab yo; epi

**KONSIDERAN**, nan dat 24 mas 2020, Gouvènè Ron DeSantis, te pibliye tou Dekrè Egzekitif 20-83 ki mande Chirijyen Jeneral Eta a ak Ofisiye Sante Eta a pou pibliye yon avi sante publik pou moun ki aje yo ak moun ki gen kondisyon medikal grav kache ki mete yo nan pi gwo risk pou gen maladi grav nan COVID-19 la pou rete lakay yo. Kondisyon sa yo gen ladan, men pa limite ak, maladi kwonik nan poumon oswa opresyon modere rive nan grav; kondisyon kadyak grav; sitiasyon iminodeprime, ki gen ladan sila yo ki nan tretman kansè; ak obezite grav; epi

**KONSIDERAN**, Gouvènè Ron DeSantis te pibliye yon seri Dekrè Egzekitif an repons ak pandemi COVID-19 la, ki gen ladan Dekrè Egzekitif 20-112, yon Faz 1: Plan Entèlijan, San Danje, Etap pa Etap pou Retablisman Florid la, kote Gouvènè a te re-ouvri kèk biznis; Dekrè Egzekitif 20-120 ki, pamì lòt bagay, te sèvi pou ajoute Konte Palm Beach nan kad Faz 1 an; ak Dekrè Egzekitif 20-123 kote Gouvènè a te pwolonje ak mennen tout konte Florid yo nan Faz 1 Konplè a; epi

**KONSIDERAN**, Konte Palm Beach t ap fonksyone nan kad Faz 1 an depi 11 me 2020 rive 4 septanm 2020, an akò ak Dekrè Egzekitif 20-120, 20-123 ak Dekrè 20-139. Restriksyon yo nan Faz 1 an te pèmèt gen plas pa anndan nan restoran yo nan 50% kapasite avèk repatisyon apwopriye anplas ant pati yo. Plas pa deyò yo ak sèvis pou anpòte yo te otorize; sepandan, kontwa ba yo rete fèmen pou moun chita, epi manje nan ba ki anndan restoran yo pa otorize. Ba ak klèb de nwi yo ak kèk lòt kalite biznis rete fèmen nan Konte Palm Beach; epi

**KONSIDERAN,** Konte Palm Beach te gen yon gwo ogmantasyon nan kantite ka pozitif pou COVID-19 nan fen mwa me, jen ak jiye, ki gen ladan anpil estrateji pou kontwole virus la ki gen ladan men pa limite ak restriksyon sou operasyon biznis ak evènman yo, pwoteksyon figi ak distans sosyal, egzijans netwayaj ak iijyen, tès ak edikasyon publik te anplwaye pou ralanti pwopagasyon virus la; epi

**KONSIDERAN,** tout biznis nan Konte Palm Beach ki nan Faz 1 te jwenn pèmisyon pou ouvri sou kondisyon plizyè dekrè egzekitif ak dijans ki egzije pwotokòl netwayaj ak iijyèn, pwoteksyon figi, distans sosyal ak lè fonksyonman restren pou biznis k ap sèvi manje ak alkòl pou konsomasyon sou plas ak kèk lòt binizs; epi

**KONSIDERAN,** entèvansyon ki mansyone anwo yo, epi konsideran done ak endikatè ki pi resan ki gen rapò ak COVID-19 nan dat 1ye septanm 2020, Konsèy Manm Komisyón Konte a detèmine li te apwopriye pou soumèt yon demann bay Gouvènè Ron DeSantis pou fè Konte Palm Beach pase nan Faz 2 an akò *Plan Re-ouvèti Pwogresif Faz 2* ke Administratè a rekòmande; epi

**KONSIDERAN,** nan dat 4 septanm 2020, Gouvènè Ron DeSantis te otorize Konte Palm Beach pou pase nan Faz 2 a an akò ak *Plan Re-ouvèti Pwogresif* ki te soumèt la; epi

**KONSIDERAN,** Administratè Konte a te detèmine ke li te nesesè ak apwopriye pou pibliye yon òdonans dijans ki otorize re-ouvèti lòt biznis an akò ak direksyon Gouvènè DeSantis ak Etap 1 *Plan Re-ouvèti Pwogresif Faz 2* a ak Òdonans Dijans 2020-024 la te pibliye pou rezon sa nan dat 4 septanm 2020; epi

**KONSIDERAN,** pou klarifye ke paviyon, sal bankè, sal bal ak lòt espas lokasyon yo ka rete ouvri pou reyinyon ak lòt evènman, Administratè Konte a ap pibliye òdonans ki klarifikasyon sa a.

**KOUNYE A, PA KONSEKAN, NOU ÒDONE ISIT LA** dapre Chapit 9, Atik II, Seksyon 9-35 Kòd Konte Palm Beach lan, ansanm ak otorite yo ban mwen nan Deklarasyon Dijans Gouvènè DeSantis te pibliye nan Dekrè Egzekitif 20-52 pa Chapit 252 Lwa Florid yo,  
Konsèy Manm Komisyón Konte a ak Plan Jesyon Dijans Global Konte Palm Beach lan, ak jan lalwa mande sa, mwen òdone konsa:

1. Konsideran ki anvan yo enkòpore isit la kòm referans.
2. Òdonans sa a aplike nan tout zòn ki entegre ak ki pa entegre nan Konte Palm Beach.
3. **Konfòmite ak Direktiv CDC yo.** Sepandan, re-ouvèti etablisman yo ki nan dokiman an, tout moun ak tout etablisman yo, dwe respekte tout direktiv aplikab ke Sant Pou Kontwòl ak Prevansyon Maladi (CDC) te pibliye, ki gen ladan, men pa limite ak, direktiv sou distans sosyal epi ranfòse direktiv sou netwayaj ak dezenfeksyon pou re-ouvèti yo.

4. **Aplikabilite Òdonans Dijans Anvan yo.** Sepandan, re-ouvèti etablisman yo ki nan dokiman an, tout moun ak tout etablisman yo, dwe respekte tout dekrè egzekitif aplikab yo ak òdonans dijans Konte Palm Beach yo, ki gen ladan, men pa limite ak, Òdonans Dijans 2020-012 ki gen tit “Direktiv Anplis sou Zafè Mete Pwoteksyon Figi” ak Òdonans Dijans 2020-018 jan Òdonans Dijans 2020-023 amande li, ki gen tit “Restriksyon Revize sou Lè Operasyon sou Sèvi Manje ak/oswa Alkòl pou Konsomasyon Sou Plas ak Lòt Lè Biznis”, ak Òdonans Dijans 2020-024 ki gen tit “Faz 2, Etap 1 Re-ouvèti yo” jan menm lan ka amande.
5. **Ouvèti yo Otorize.** Konsènan dat anvigè Òdonans Dijans sa a, paviyon, sal bankè, sal bal ak lòt espas lokasyon ka ouvri pou reyinyon ak itilizasyon ki otorize nan òdonans dijans anvan yo ki gen ladan, men pa limite ak, sèvis repa chita, avèk limit anba yo:
  - o Pou pi plis 50% kapasite sal la;
  - o Tab pou plas nan estil bankè dwe gen omwen 6 pye distans epi dwe limite ak pa plis pase 8 moun nan chak tab. Teyat, salklas, sal konferans ak aranjman pou plas similè dwe pèmèt distans sosyal;
  - o Direktiv CDC yo dwe respekte an akò ak Seksyon 3, ki gen ladan, men pa limite ak, tout distans sosyal ak direktiv sou netwayaj ak dezenfeksyon ki ranfòse; epi
  - o Tout dekrè egzekitif ak dijans yo dwe an akò ak Seksyon 4, ki gen ladan, men pa limite ak, Òdonans Dijans 2020-012 ki gen tit “Direktiv Anplis sou Zafè Mete Pwoteksyon Figi”, jan sa ka amande.
7. Cherif Konte Palm Beach lan, lòt ajans pou fè aplike lalwa yo ki gen ladan ajans minisipal pou fè aplike lalwa ak nenpòt lòt pèsonèl lalwa otorize, ki gen ladan, men pa limite ak, pèsonèl ki dekri nan Seksyon 9-37 Kòd Òdonans Konte Palm Beach lan, otorize pou ranfòse òdonans sa a an akò ak dispozisyon Òdonans Dijans 2020-017 la ak nenpòt amannman apre ladan.
8. Nenpòt dispozisyon nan òdonans sa a ki gen konfli avèk nenpòt dispozisyon lwa eta oswa federal oswa dispozisyon konstitisyonèl oswa konfli avèk oswa ki gen yon Dekrè Egzekitif Gouvènè oswa Prezidan Etazini ki aktyèl oswa ki pibliye apre ki ranplase yo, ap konsidere kòm pa aplikab epi konsidere kòm separe de òdonans sa a avèk rès òdonans lan ki rete entak ak anvigè. Nan mezi aplikasyon kèk oswa tout dispozisyon òdonans sa a entèdi sou teritwa souvren yon tribi souvren oswa Endyen ke gouvènman federal la oswa eta a rekonèt, aplikasyon sa a ap eskli klèman nan òdonans sa a. Dispozisyon òdonans sa a dwe ranplase dispozisyon espesifik nenpòt Òdonans Dijans Konte a te pibliye ki kontré oswa ki gen konfli avèk òdonans sa a.

9. Òdonans sa a dwe antre anvigè nan 12:01 a.m. nan dat 19 septanm 2020. Òdonans sa ap eksipre lè Eta Dijans Lokal aktyèl la eksipre, piske lòt òdonans oswa deklarasyon ka pwolonje li, amwenske lòt òdonans te mete fen ladan anvan sa.

**KONTE PALM BEACH**

**Pa: [Siyati]**  
**Administratè Konte**

**18 septanm 2020**  
**Dat**

**ATESTE**  
**GREFYE AK KONTWOLE**

**Pa: [Siyati]**  
**Grefye**

**APWOUVE SELON**  
**SIFIZANS JIRIDIK**

**Pa: [Siyati]**  
**Pwokirè Konte**